

76961

地340.205

42

部三六

賀縣志卷肆



賀縣志卷四綱目

第四編 經濟

金融 金融概況及沿革 金融機關 銀行 當押

貨幣 貨幣沿革 硬幣 軟幣

經濟政策 農業政策 工業政策 商業政策

交通政策 社會政策

產業 農產及農業 林產及林業 鑛產及鑛業

水產及漁業 畜牧 工業 商業 官營事業

耕地及未耕地 農工商學軍政各業經濟生活狀況

交通 城市水陸交通概況 陸路 汽車路 水道 郵電

賀縣志卷四

第四編 經濟

史載食貨志關於金融貨幣農桑物產紀述綦詳概而括之則曰經濟顧經濟事業非一端凡金融之救濟貨幣之流通農工商業社會交通之政策農林鑛務之振興山澤漁牧之利源工商事業之概況土地成熟荒蕪之多寡農工商學軍政各界生活之情形水陸道路郵電交通之便捷皆出於經濟之一途故治國之道不在文章而在經濟有文章無經濟何補於治是必當考其興廢審其良否察其勤惰觀其境遇視其通塞以助長其事業之發展庶幾生之者衆食之者寡爲之者疾用之者舒安見自上及下不有國利民福之日哉所

賀

縣

志

卷四

經濟部

經濟志

二

賀縣華美商店承印

望司牧者流覽是編追溯往事取法乎上鼓勵乎下遵道而行則經濟之充裕不待言矣

續志

賀縣志卷四

第四編 經濟

金融

金融概況及沿革

清代咸同以前人民儉樸日用所需要者大都以物易物故市肆營業中人僅有小資本家光緒初年商業繁盛當舖漸次開設有無相濟人民稱便同時銀號錢舖均有設立惟資本不足未久即相繼倒閉清末變亂當舖亦全數歇業民國以來始漸恢復近年物產失收金融亦受影響云續志

金融機關

銀行

廣西銀行八步辦事處民國二十一年設立屬官營性質資本由廣西銀行週轉無定額設主任一人分會計營業出納三科職工六人管理存款放款並滙兌事務二十三年四月一日改爲八步滙兌所廣西第三金庫八步分庫由八步辦事處兼職司理金庫券出納收解省款事項

當舖

賀縣當舖昔時賀街開設三間八步三間黃田一間公會三間現時僅存賀街二間八步二間列表於下

當押
字號

地址

性質

資本
銀數

經理
籍貫

職工
人數

典質
期限

月息
若干

每年營業
總數若干

公昌押

賀縣河東
上開街

典質
衣物

式萬壹
千元

利濟仁
賀縣原籍
廣東三水

十五人

十月二
個月

叁分

九萬餘元

廣安押

賀縣河東
中開街

典質
衣物

式萬元

廣東新會

十二人

十月二
個月

叁分

六萬柒千
叁百餘元

謙吉押

八步中
開街

典質
衣物

東毫銀
壹萬叁
千兩正

黃叶吉
廣東南
海縣人

十七人

十月二
個月

叁分

七萬八千
八百二十
元

阜昌押

八步下
開街

典質
衣物

東毫銀式
萬柒千壹
百元

利鴻圖
廣東南
海縣人

十七人

十月二
個月

叁分

柒萬壹千
式百餘元

貨幣

貨幣沿革

清代行用制錢流通最廣銀元碎銀市面雖行不多用光緒中葉始有廣西雙單龍毫五仙龍毫廣東雙毫香港雙毫及五仙同時並用而碎銀遂絕於市復因行用銅元而制錢又絕於市民國紀元收回龍毫鑄造中山嘉禾銀毫行用但未遍及今惟廣東雙毫及銅元通用國幣外幣甚少外省外國鈔票絕無惟現時本省鈔票金庫券均行使茲將貨幣種類列表於下以資考證

續志

貨幣種類表

種類	硬幣						外幣		軟幣		
	紋銀	碎銀	制錢	銅元	銀角	銀元	各省所鑄大洋	英洋法洋鷹洋	本省鈔票 附金庫券	外省鈔票	外國鈔票
行使	前清時期	前清時期	前清時期	清末	清末	前清	民十八	前清時期	現時	無	無
有無流通	無	無	少	流通	流通	無	少	無	市面行使	無	無
附記			現時已無行使 自行使銅元後市面制錢暫少	湘省銅元居多	行使中山毫東毫等項	口市面少見 自行使銀角所有銀元少有入	現時國幣少有入口 國幣十數萬元市面行使數月 民十八湘軍許克祥入境帶有	自行使銀角後所有外幣已無	入口市面亦無行使	現時市面均行使惟鈔票甚少	

經濟政策

裕國之道興利爲先欲開財源必賴有人焉獎勵之鼓勵之提倡之整理之以助長事業之發展則經濟政策尙已我邑舉辦各種事業正在萌芽而其計劃之周詳固有可表見者特分列之以資振奮焉

以上續志

農業政策

清光緒初年知縣全文炳捐廉提倡在街尾野鴨渡船頭西邊大沙洲種桑數十萬株租洲尾民房養蠶修城內萬壽宮繅絲值天多雨僅收三縑寄桂林紡織成綢甚潔白

民國初年縣農會墾闢摩天嶺地方爲棉塲種棉於十里坪種桐惟工本不足次年停辦今桐樹尙生

民國二十年冬縣長黃紹耿提倡增加生產改善農村生活通令各區調查二十年及廿一年農產收穫情形并撰就白話佈告發貼各區勸導人民種植雜糧如高粱玉蜀黍落花生瓜子等類復翻印本省墾荒章程飭發各區村公所遵照辦理又令建設局於賀步公路

兩旁種植桐樹八千餘株於城北隅開闢育苗蘇圃赴平樂購回蘇根一千七百餘斤種植以資提倡時有縣民吳蔚才呈報在五甲村所屬荒山種植桐茶約十萬株竹數千株柚三百餘株并種生羌木薯粟米山芋等雜糧又有縣民孟星池呈報於河東塘背頭地方種植沙柳一千餘株以爲將來收養天蠶之用均報請縣府給示保護

代電

急各區公所并轉所屬各鄉鎮村街甲長均覽查造林一案經上月魚日代電將造林辦法抄發通飭遵辦在案際茲春雨地潤之期正宜及時栽種除造林一案應遵魚電辦理外所有本年例行植樹亟應定期舉行茲將辦法分飭於後(1)值樹日期定本月十六日(2)栽種地點由各該鄉鎮村街植於附近公路兩旁無公路之地方植於要道或沿河兩岸(3)電到日由區鄉鎮長責成村街甲長就本地天然野生樹木如松杉樟楠苦練樹或竹等每村挖尋二百株以便屆時栽種(各樹須連根挖起)(4)栽樹寬度每株距離至少五尺深須一尺種後將坭踏實以免搖動妨害發育并用水灌溉俾易成長(5)各鄉鎮街村甲栽種後應嚴禁縱畜踐踏并將所種數目種類按級報區呈府以便派員前往踏勘考核(6)各鄉鎮村街甲如有故意推延或陽奉陰違一經查覺處罰毫幣五十元至一百元以爲玩視功令者戒該項罰款指作購樹造林之用上列六項仰各努力辦理切實舉行毋得敷衍塞責致干罰究縣長韋東印二十三年三月一日

呈爲呈請懇核轉呈事案奉

鈞府第八七零號訓令開爲令飭事案奉

廣西建設廳第三六零八號訓令開爲令遵事案查本省各縣荒地
荒山舉目皆是而人民智識簡陋不知利益之所在自經本廳提倡
植樹以來各縣人民團體漸知覺悟請領荒地造林日見其多除原
文有案邀免全錄外後開合將規程抄發仰該主任即便遵照具報
以憑核轉爲要此令等因計抄發廣西省縣立苗圃規程一份奉此
主任擬將賀縣育蔴苗圃規劃改辦縣立苗圃並遵照廣西省縣立
苗圃規程第二條辦法經選得城北十里坪舊農林研究所種桐久
棄之荒地一所爲苗圃樹苗區地點又租批城西原有蔴地鄰近之

賀

縣

志

卷四

經濟部

農業政策

八

賀縣華美商店承印

民有地一所爲苗圃擴充蔴苗區地點理合具文將育蔴苗圃改辦
縣立苗圃情形連同擬訂改辦規程及實施辦法並設備預算表暨
圖圖說各二份呈請察核俯予分別存轉備案伏候指令祇遵實爲
公便謹呈

賀縣政府縣長章

賀縣育蔴苗圃主任龍旭臨

賀縣育蔴苗圃改辦縣立苗圃規程

第一條名稱 本苗圃定名為賀縣縣立苗圃

第二條宗旨 本圃以廣育秧苗任人民團體便於領秧種植期望全縣境內達到地無遺棄為宗旨

第三條組織 本圃暫定為三股各股規則另訂之

甲總務股 掌管文件及銀錢出納以及不屬他股各事項

乙蔴苗股 掌管育蔴苗事項

丙樹苗股 掌管育樹苗事項

第四條職員 本圃職員暫定如左

甲圃主任一員由縣長遴委之

乙總務股助理一人由苗圃主任聘任之

丙苗蔴股助理一人由主任分別選聘有農業知識技術人充任之

丁樹苗股助理一人由主任分別選聘有農林知識技術人充任之

第五條職務 本圃各職員職務如左

甲圃主任總理全圃事務商承縣長負責規劃圃務進行及任用職員指導育蔴樹苗秧方法

乙總務股助理商承圃主任之命負責管理文件及銀錢出納並各項雜務

丙育蔴股助理商承圃主任負責督促培育蔴苗

丁樹苗股助理商承圃主任負責督促圃役培育樹苗

第六條事業 擬自二十三年春起就原有育蔴苗圃之蔴根從事
除草施肥培壅外再擴蔴地數畝同時並墾地五畝
以作播種松杉樟棟及各種雜樹果樹之秧苗嗣後
加闢圃地及推行設立合區鄉分圃

第七條聯絡 凡關係本圃人民團體須聯絡共策進行以期易於
推廣業務

第八條經費 造具開辦經常等費預算呈請 縣政府核撥

第九條會議 本圃對於設施進行計劃及一切圃務由圃主任召

集全圃職員開圃務會議議決施行之

第十條附則 本規程如有未盡事宜得由圃務會議增訂修改之


十里坪勘定縣立苗圃樹苗地區形圖



說明

縱約四十五丈橫約七十五丈合計面積五十六畝又七五方丈內除墳地約十畝荒熟地四十六畝零查區內土壤為沙質壤土
區東南段地勢稍為傾斜

縣立苗圃增闢麻苗地區形畧圖



賀縣育蔴苗圃改辦賀縣縣立苗圃實施辦法

第一條 編造預算呈請 縣政府核給經費

第二條 將二十一年春成立之賀縣育蔴苗圃改稱作縣立苗圃蔴苗股之蔴苗區就所植成之蔴苗約面積五畝從事施肥除草培壅育成健旺蔴根增加收穫引起當地一般民衆之注意

第三條 擬在原有蔴苗附近租批民地十餘畝爲擴充蔴苗場地造成畧大規模之蔴苗區以引人民興起風從

第四條 樹苗股之樹苗區於二十三年春在城北十里坪之公有地先育各種樹苗五畝以後則按照廣西省縣立苗圃規

程第三條逐年增加

第五條 本圃辦理培育各種秧苗俟有成效後卽呈請 縣政府通令各區鄉在適宜地點成立分圃一所或二所視區域之廣狹而酌定

第六條 各區鄉成立分圃後本圃卽派技術人員前往指導

第七條 各分圃應負就近鼓舞各當地人民廣爲造林或廣爲植蔴務使地盡其利無有荒棄其進行如何於每月終報告本圃彙呈 縣政府年終仍作總報告本圃彙呈 縣府轉呈省府備查

第八條 分圃經費由各區鄉自行籌劃或請 縣府補助擬定預

算報由本圃轉呈請核每月收支決算報告本圃轉呈
縣府核銷備案年終仍將總決算造報本圃呈請 縣府
轉呈 省府備案

第九條 分苗圃辦理成績卓著者其辦事人員由本圃查明呈請
縣府轉呈獎叙以資鼓勵辦事不力者呈請懲罰之

第十條 本辦法呈請 縣政府轉呈 建設廳核准施行之
賀縣縣政府佈告

案據本縣縣苗圃主任龍旭臨呈稱本圃樹蔴兩苗區之苗秧經先
後由平柳採運回圃業於本月五日乘天氣和煦同時添僱散工多
人分區將樹蔴各苗秧着手栽種惟兩區地點附近均有農村牛豬

各項牲口往往任意放縱若不嚴行禁止本圃新栽各苗以及舊有
蔴苗難免牛豬牲口入場踐食損壞秧苗主任有見及此特擬具禁
止放縱牛豬各項牲口入場規約四條具文呈請察核俯予備案并
懇發給佈告張貼各處使畜牧牲口各農人知有所警而易保護實
爲公便等情計呈禁止放縱牛豬牲口入場規約一紙據此除指令
照准外合行佈告仰該處農人一體遵照嗣後毋得縱放牲畜入該
苗圃如敢故違定卽依約處罰決不寬貸切切此佈縣長章

計粘規約如左

禁止放縱牛豬各項牲口入場規約

第一條 本圃爲保護所栽各項苗秧得遂充分生長起見特訂禁

放牛猪及其他牲口入場規約共同遵守

第二條

凡本圃苗場地邊外之草地其離地邊十丈以內勿得在該處牧養牛畜牲口以防牧童照顧不到頻頻入場踐食秧苗

第三條

前條所規定之禁地各農家如有不遵守者初次由圃役口頭通知使其離去再次由本圃致函警告三次則牽其牲口或物主送縣處罰

第四條

各農家之牛猪牲口任意放縱入場踐食秧苗者由本圃當場捉獲踐食秧苗之牛畜或扭送牛畜之家人至縣政府呈請議罰議賠以重公物

賀縣縣政府佈告

爲佈告事案據南岳區長鄒紹昌呈稱呈爲呈請事案據職區小堡石王冲謠民趙榮金馮章旺盤有福等呈稱呈爲呈請轉呈縣府給發佈告以維生活事竊民等世居石王冲歷批山以種植爲業養生素來春種秋收無異詎邇來有無賴之徒三五成群以民等良弱可欺往往入冲到山不問強將民等已去工本所種之桐茶及薯芋瓜菜各種襍糧任意擅行採取奪去致謠山小民有種無收口食竟成無給慘苦不堪迫得瀝情呈請察核伏乞維持關懷民瘼俯予據情轉呈縣府請准保護給予佈告三張俾領張貼嚴禁以杜再行入山強奪謠民所種生理有資生活不致餓殍至蒙佈告禁止後如有人

仍敢入山強取生理准予拏解送究以儆儆尤實爲公便等情據此理合備文呈請鈞府准予佈告以維耕業仍候指令飭遵等情據此除指令照准外合行佈告仰該區民衆一體知照嗣後如有再敢盜取石王冲一帶襍糧一經拿獲到案定卽依法究辦此佈縣長章

賀縣縣政府佈告

案據南岳區永慶鄉炭冲村公民鍾德勳等呈稱爲懇請佈告保護林業事竊民等有山塲土名大長冲三叉冲小長冲土名壇冲眞竹冲佛子冲相連一帶山塲在十年前植有松杉楓樟襍木茶樹業已蔚鬱成材近有不法之徒利己損人蓄意破壞或故意放火燒山或盜砍樹木煨燒水炭或盜伐雜木生柴或盜摘茶油果子若不藉政府之力以維持不獨林業上無振興之日卽於農田上之水利亦關係不小縱投資千萬亦等於零遍種滿山一星燎盡殊於政府提倡造林之旨大有妨碍爲此具文呈請鈞座察核俯賜佈告四份嚴厲禁止倘有故違准予拿解或查覺告發從重處罰并請明示省令放

火焚林者處以死刑庶惡徒知儆而林業或可振興實爲公便等情據此查放火燒山有干法令迭經佈告嚴禁在案茲據呈前情除批示准予所請外合行佈告仰該鄉民一體知悉嗣後如有違犯上項情事一經查覺定卽拿究不貸切切此佈縣長章

代電

各區公所均覽案奉廣西省政府東建字第一四九號代電畧開查本省清查荒地發放荒地等項章程及細則早經頒佈各林墾區署亦經先後設立辦理墾務歷有年所乃近查各民有荒地尙多未遵章則呈報依限墾植而各縣政府猶間有不依正式手續放墾給照或人民自造毫無所有權根據之荒地契紙各縣政府亦予以稅驗者人民執有此類契照所佔荒地并未經過測量面積不明四界不清又無墾竣年限徒佔廣漠山場荒廢不墾如有遵章領墾者則藉口執有契照出而頑抗時起糾紛甚至控諸法庭纏訟不休殊屬妨害墾植阻塞富源亟應嚴行取締以興墾務而盡地利茲訂定取締

各點如下(一)嗣後凡領墾荒地者可直向各林墾區署請領公文直寄林墾區署或由縣政府轉林墾區核辦但縣政府不得直接放墾給照(二)凡持有民國二十三年二月以前之荒地執照或印契統限於廿三年十月以前呈報各該管林墾區署派員查驗分別遵章辦理限期墾植逾期不報及逾限不墾卽作無效將其荒地收歸省有另行放墾(三)凡無契照之荒地各人民均可依法領墾附近居民如不遵章請領不得藉故阻撓他人墾植致干查究以上各節關係整理墾務至爲重要仰各縣政府迅卽撰成佈告廣爲印發令飭各區鄉鎮村街公所遵照張貼俾衆週知仍將奉電日期報查希爲查照并轉飭所屬知照等因奉此自應遵辦除呈報外合將佈告檢發仰

卽廣爲張貼并飭屬知照仍將奉電日期報查爲要縣長韋寒印
賀縣縣政府佈告

案奉

廣西省政府東建字第一四九號代電畧開查本省清查荒地發放
荒地等項章程及細則早經頒佈各林墾區署亦經先後設立辦理
墾務歷有年所乃近查各民有荒地尙多未遵章則呈報依限墾植
而各縣政府猶間有不依正式手續放墾給照或人民自造毫無所
有權根據之荒地契紙各縣政府亦予以稅驗者人民執有此類契
照所佔荒地并未經過測量面積不明四界不清又無墾峻年限徒
佔廣漠山場荒廢不墾如有遵章領墾者則藉口執有契照出而頑

抗時起糾紛甚至控諸法庭纏訟不休殊屬妨害墾植阻塞富源亟
應嚴行取締以興墾務而盡地利茲訂定取締各點如下(一)嗣後凡
領墾荒地者可直向各林墾區署請領公文直寄林墾區署或由縣
政府轉林墾區核辦但縣政府不得直接放墾給照(二)凡持有民國
廿三年二月以前之荒地執照或印契統限於廿三年十月以前呈
報各該管林墾區署派員查驗分別遵章辦理限期墾植逾期不報
及逾期不墾卽作無效將其荒地收歸省有另行放墾(三)凡無契照
之荒地各人民均可依法領墾附近居民如不遵章請領不得藉故
阻撓他人墾植致干查究以上各節關係整理墾務至爲重要仰各
縣政府迅卽撰成佈告廣爲印發令飭各區鄉鎮村街公所遵照張

貼俾衆週知仍將奉電日期報查希爲查照并轉所屬知照等因奉此自應遵辦除呈報并分令外合行佈告仰閭邑民衆一體遵照爲要此佈縣長章

報省府電

南甯省政府主席黃鈞鑒造林一案前經通飭所屬各區鄉村依照造林辦法舉行在案職爲積極提倡造林起見特飭職屬苗圃主任龍旭臨前往柳州林墾區採購回油加利樹黃金樹喜樹榆樹梓樹貴陽樹等大良材共二萬一千三百三十株開闢離城八里地名十里坪荒地一段作爲林場除飭該圃員添僱散工如法栽種外謹電呈核署賀縣長章冠英呈虞印

工業政策

清光緒初年知縣全文炳於縣署頭門內左側設習藝所置輕罪囚犯習藝督率磨米衝米打草鞋搓紙條裁縫織布各手工後停辦

工業類

平民工廠

平民工廠爲白副總司令崇禧所提倡十五年秋富賀鍾公路王總辦芬庭賀縣陳知事呈准 省憲撥款興辦指令賀城昭忠祠爲廠址北府祠爲宿舍名曰富賀鍾平民公廠自開辦至今先後畢業六期造就學生共二百七十餘人廿二年十二月廣西工商局長楊綽菴來賀考察擬具整頓辦法呈報省府廿三年一月一日奉省府秘

賀

縣

志

卷四

經濟部

工業政策

二十一

賀縣華美商店承印

字第四八二六號訓令抄發富賀鍾三縣平民公廠整頓辦法一份到縣并將該廠就近撥歸賀縣政府管轄俾易指揮監督訓令及整頓辦法附後

廣西省政府訓令

秘字第四八二六號

令賀縣政府

按據廣西工商局局長楊綽菴擬具整頓富賀鍾三縣平民工廠辦法請核示等情到府當經指令呈及辦法均悉准如所擬辦理除將原擬辦法分令富川賀縣鍾山各縣政府知照外仰卽轉該廠遵照辦理辦法存此令除印發并分令外合抄原擬辦法令發仰卽查照此令

計抄發富賀鍾三縣平民工廠整頓辦法一份

富賀鍾三縣平民工廠整頓辦法

一富賀鍾三縣平民工廠辦法含有工讀學校性質對於生產營業方面均未甚注意出品既少銷路又滯其流動資本無多循此以往勢必原料不繼工場無以維持實有亟圖整頓之必要

二該廠經費係由沒收沈鴻英田租撥充按民國十七年七月縣移原册所列租額共十一萬三千三百七十斤計一百四十四戶嗣經派人調查逐暫增加以最近三年收額平均約十二萬斤每百斤售價約五元全年共收六千元除存穀輕耗百分之五約三百元及完納丁糧八百元外實僅四千九百元以之交付該廠經臨

各費並無盈餘工場流動資本祇有民國十四年在該廠未開辦時所收租穀流存一千九百餘元現因存貨二千餘元以致週轉不靈無款採辦原料

三該廠每月經常費約支薪工三百四十七元辦公費三十三元共計三百八十元全年四千五百六十元又每年發給學徒制服一套約一百四十元其他特別費二百元總共支出四千九百元與租穀收入之數相符

四該廠現有學徒三十餘人服務生見習生十餘人共四十餘人內有二十人織布尙佳可以售賣有十餘人能織粗布及毛巾有八人學習車衣每日上課二小時做工四小時織布木機三十七架

織毛巾木機數架車衣機二架

五整頓辦法列左

- (1) 該廠離省較遠本局監督不便擬劃歸賀縣縣政府管轄俾可就近督促而利進行
- (2) 從前工作時間太少應改照省營工廠通則辦理每日工作八小時無須採用半工讀辦法
- (3) 從前出品複雜所織柳條色布推銷為難存廠數月未售卽有變色之虞嗣後應予改良另購鐵木機十架專織民團學制服用布託富賀鍾三縣縣政府代為配售如有添招學徒亦由三縣縣政府考選

- (4) 廠內職員應改照其他省營工廠組織由賀縣縣長實行監督所有廠內收支數目及原料出品之買賣該縣長應負完全稽核責任按月列冊報局備核

六營業計劃

(1) 資本

擬將該廠結存穀米及續收本年下忙租穀暨儲存出品一律分別發售一面追清未收貨款總計可得六千元足敷資本之用茲開列於左

(A) 該廠截至本年十月底止結存項下

穀三萬零斤約值一千五百元內有佃戶欠繳三千餘斤應卽

嚴催清繳

出品發售約存貨二千餘元擬減價發售暫按五成計一千元
未收貨價五百元

現款約存一千五百元

(B) 本年下忙十一月約可收租穀除完稅外二千五百元

(A B) 兩項共七千元除該廠十一十二兩月經費約一千元實
存毫幣六千元

(2) 設備費

鐵木織布機拾架約一千二百元

經緯機及漿水染晒紗等器具八百元

共計貳千元

(3) 活動費

棉紗準備三大包一千元

顏料準備三百元

成品屯存一個月出品二百疋計一千四百元

貨款壓期一千三百元

共計四千元

(2) (3) 兩項合計毫幣六千元適合資本六千元之數

(4) 利益計算

(A) 出品 每日出布七疋

鐵木織布機每日織造十小時最小可產五丈布一疋今以七
成收獲計算布機十架每分兩班工作十小時產布七疋

(B) 成本 每疋五元五角

現以織造民團學校制服用灰布計算每疋五丈重六十四兩
原料用二十支棉紗每兩約值毫洋六分四厘每疋用紗約四
元一角染漿工料約九角紡織工資約五角合計每疋成本五
元五角

(C) 售價 每疋六元六角

查賀縣市價每疋五丈灰布可售七元今每疋以四角爲經售
費約可實收六元六角

(D) 盈利 每月約二百元

成本售價互抵每疋獲利一元一角每月除休假外可產布一
百九十六疋約可盈利二百元全年以十個月計共可盈利二
千元

又資本六千元之利息以八厘計算僅四百八十元將副產之
毛巾車衣收入足以抵補

(5) 將來擴充

前項盈利逐年撥作資本擴充營業在三年以內該廠經費仍
由穀租項下開支三年後每年所得利益足敷經費將穀租收
入全部劃作資本逐漸擴充亦可完成一大規模之工廠

七經費預算

該廠經臨各費每月限四百元開支截至二十二年底止積存穀租及出品售價既已全數撥作資本其在二十三年一月至五月五個月間上忙穀租未收工廠出品盈利未能提撥以前該廠經費擬令該縣政府嚴催佃人欠繳歷年租穀一千零斤二十二年早造租穀二千三百餘斤一併清繳以資維持倘有不敷則向賀縣廣西銀行辦事處商量透支若干元指定二十三年上忙穀租收入撥還至六月以後出品銷售即可資週轉

女中附設女子職業補習班

中國女子大都缺少生活技能救濟失業誠爲不可或緩之要圖廿二年下學期女中校長黃鼎新擬增設女子職業班一班以增進女子生活技能經擬具辦法大綱呈由縣政府轉呈核示廿三年二月十五日奉 省府核准令行提前於一月廿六日及三月六日先後攷試入學試驗共取合格女生四十名修業一年即可畢業女子職業補習班辦法大綱附錄於後

賀縣縣立女子初級中學校附設女子職業補習班辦法大綱
一 本校爲普及女子生活技能救濟女子失業起見特增設職業補習班

二 職業補習班課室膳堂浴室等一切用具均由本校購置分配之
三 附設職業補習班其經費由本校原有校欸開支之
四 職業補習班之學科比之本科班普通學科以減至最小限度爲原則基本學科凡偏重學理者概予免設職業學科以先習後學爲原則注重所學技術手續上之說明如織法漂染法工具修理法等其每班實習種類則以每一種爲學位如別爲織襪班織布班織毛巾班等是

五 職業補習班教職員除增聘各科技師教員外餘由本校原有教職員兼任之其教員支薪標準應比照初級中學校教職員之支薪等級規定之

六職業補習班招生名額暫定四十名其招生簡章另定之

七職業補習班學生以不收學費爲原則其餘各費由學生自備但學習期間所有出品發售餘利准提二成爲學生雜費津貼餘留爲發展校務之用

八職業補習班學生肄業期間定爲一年但得視其所習技術之熟練與否以爲伸縮

九職業補習班學生畢業後本校應於可能範圍內予以業務上之援助

十本大綱如有未盡事宜得隨時提出校務會議修改呈請 省教育主管機關核准之

十一本大綱自呈奉 省教育主管機關核准之日有效

商業政策

賀縣縣政府佈告

爲佈告事案奉

廣西財政廳廳長黃皓電開查廣州銅仙價格奇跌每一雙毫換七十餘枚勢必向廣西傾銷本省銅仙已屬過多萬難再任大量輸入以致影響金融茲定凡銅仙額在一千枚以上暫行嚴禁攜帶或輸運進口以防傾銷其攜帶出口者聽其自由不加限制仰邊地各縣局應卽錄電佈告嚴禁并實行檢查其餘各縣局處應於征收款項時注意銅仙低跌妥爲應付并飭所屬遵照等因奉此除呈復并分令嚴禁外合行錄電佈告仰縣屬人民一體知照此佈縣長韋

賀縣縣政府訓令

案奉

廣西財政廳財字第二七二八號訓令開查本廳前以廣州銅仙價格奇跌勢必向我省傾銷影響金融當經規定辦法凡由省外私運銅仙入口數在一千枚以上查獲後准以五成解庫五成充賞於七月皓宥兩電先後通飭查禁前據各處報告仍有奸商私運銅仙入口情弊當係湘粵邊境孔道滋多稽查未能週密亟應認真查緝以絕來源除分令外合再令飭仰該政府卽遵前電辦理此令等因奉此查本案前奉皓宥兩電經佈告并分令各區查禁各在案茲奉前因除佈告暨分令外合行令仰該

區長
主席

即便遵照認真查禁以維金

融爲要此令

賀縣縣政府訓令

令各商會

近查本縣銅仙有銀壹角用作廿四枚或廿五六枚不等殊不一致合行令仰該會即便召集各委員斟酌地方情形妥慎議定價格通告商民一體照用以昭劃一而免混亂仍將遵辦情形具報此令
賀縣縣政府佈告

二十三年二月三日奉

省政府卅財電開現查銀潮已略平息省內現金流通自應暫予弛禁茲核定辦法於下(一)各縣各埠殷實商店如因收集貨賤或採

辦貨物確有運現往下游必要時准由商會證明呈請當地官廳核明給証携行(二)給証官廳須於証內註明商人姓名現金數目及用途(三)每証限用一次并須預計到達時間證明証內過期作廢(四)每次發証須列表登記數目按月報告本府一次每次數在三千元以上者須專件以郵電呈報數在五千元以上者須先電候核准始得給證(五)所有下游最高度以梧州爲終點其運赴省外者仍應查禁檢獲時并照禁運原案辦理(六)此次暫予開放省內現幣流通實爲便利正當商人營業起見商會代爲證明須負完全責任倘有找換奸商操縱常價私運漁利一經查覺除拏辦外仍治証明人以應得處分(七)弛禁期限暫不規定由政府隨時以命令伸

縮之(八)仰各縣局商會遵照辦理并錄電佈告週知等因奉此合
行佈告仰商民人等一體知照此佈縣長韋

賀

縣

志

卷四

經濟部

商業政策

三十一

賀縣華美商店承印

交通政策

賀縣縣政府訓令

令各區區長

爲令遵事案查本縣二十二年度第一次縣行政會議提擬徵用民工以修築鄉村公路案一案當經通過紀錄在卷茲查核各決議案有已奉明令限期辦理者有屬於無須請示照章應逕自執行者除呈報并佈告分令外合行錄案令仰區長即便遵將上列決議案尅日一併趕辦毋得藉詞推延致干未便仍將辦理日期情形報核爲要此令縣長章

賀縣縣政府佈告

爲佈告事案查本縣二十二年度第一次縣行政會議提出擬徵用民工以修築鄉村公路案一案當經決議通過紀錄在卷茲查核各決議案有已奉明令限期辦理者有屬於無須請示照章應逕自執行者除呈報並分令各區區長遵將上列決議案尅日一併趕辦外合行錄案佈告仰縣屬民衆一體遵照對於區長執行職務一致擁護毋得藉端阻撓致干查究切切此佈縣長章

代電

賀縣各區區長均覽案照鄉村公路前奉憲令限期興築本縣鄉村公路經提交二十二年度第一次縣行政會議決議徵用民工修築紀錄在卷並經本府錄案分飭各區區長遵照各在案茲特委謝鼎林

爲賀縣鄉村公路測勘員除給委任狀外合亟電仰各該區長知照俟該委員到達時即便會同測勘路線依照決議案妥速興工修築毋得徇延致干未便仍將辦理情形隨時會報查核縣長韋巧印
賀縣縣政府訓令

查交通事業爲百政要圖舉凡經濟繁榮文化增進治安維持莫不有密切關係本縣修築鄉村公路辦法經二十二年度第一次縣行政會議決議並通令遵辦各在案茲查各區並未遵辦現值農隙亟應徵發民工限期興築除分令外爲此令仰該區長即便遵照務於二十二年一月起開始總動員興工分段修築限令到三日內迅與本府派出測勘員將劃定路線繪畧圖報府以憑考核至要切切此

令縣長韋

南寧勤延省自送八步香職縣修築鄉村公路前經令限各區一月文日同時修築並派員分途測勘各在案茲職縣共分四區南嶽區賀永路並各支路及梅賀路已於一月文日同時興工公會黃田桂嶺各區均已限期修築謹電察核韋冠英治印

賀縣縣政府佈告

查各段公路業經本府派員測勘豎立號碼標誌所有該公路沿綫坟墓應一律遷徙別處合行佈告仰各關係人限十日內將各坟墓自行遷移以便興工築路如逾期不遷卽由本府僱工遷移此佈縣長韋

賀縣縣政府訓令

仰本府科員李嘯野前往南嶽區會同該區區長馳赴河東鎮東西岸永慶白花蓮塘各鄉督率鄉長再徵調民工將已成未成之各段公路各該分別切實築固其路須鋪以細砂用大石壓平涵洞橋樑尅日填架限十日內分段辦理完峻至蓮塘至平安均一段路綫亦應尅日徵工興築倘有抗違推諉等情准予拏解來府究辦仍將辦理情形隨時報核此令縣長韋

賀縣縣政府訓令

令本府辦事李茗榮

查本縣公會區鄉村道路業經決定修築亟應派員測勘以便興工

賀

縣

志

卷四

經濟部

交通政策

三十四

賀縣華美商店承印

茲特委該員爲測勘員仰卽前往會同該區區長黃瑾光迅速秉公切實測勘辦理爲要此令縣長韋

賀縣縣政府訓令

令本府科員李嘯野

查本縣桂嶺區鄉村公路業經決定修築亟應派員測勘以便興工茲特委該員爲測勘員仰卽前往會同該區區長黃德澤迅速秉公切實測勘辦理具報爲要此令縣長韋

賀縣縣政府訓令

令桂嶺區公所

查該區鄉村公路亟應興築以利交通而符功令茲派本府科員李

嘯野前往測勘路線除分令外合行令仰該區長即便知照會同該員迅卽秉公切實辦理爲要此令縣長韋

賀縣鄉村公路路線一覽表 里數均以華里計

名稱 起止地點 里數 附記

桂寧路 由桂嶺至大寧 四十五里

桂螺路 由桂嶺至螺石 四十五里

桂濠路 由桂嶺至濠界(開山鄉) 四十五里
由七里亭至南華村口一段計三十里因石山未能開築

桂松路 由桂嶺至黃田區里松鄉 六十五里
由馬鞍山脚至里松鄉一段計四十五里因石山未能開築

桂蓮路 由桂嶺至蓮花 二十里
間多石山不能開築

桂東路 由桂嶺至桂東鄉大冲村 二十里

賀永路 由河東鎮至永慶鄉(永慶墟) 二十里
又永慶墟至縣四小五里至平安均四里又四小折至平安均三里

永蓮路 由永慶墟至蓮塘墟車站 十五里

賀縣志 卷四 經濟部 交通政策 三十六 賀縣華美商店承印

會東路 由公會至東坪村 一十里

會石路 由公會墟至石塔墟 五里

石蓮路 由石塔至蓮塘村 五里

田岩路 由黃田墟至水岩壩 十五里

賀鵝路 由賀城至鵝塘墟 四十五里

馬步路 馬練界至三步梯 五十五里

步梅路 由大步頭至梅花鄉 五里

甲步路 由五甲至大步頭 三十里

步斗路 由大步頭至五斗 五里

賀程路 由縣城至下程家 九十里

雙程路	由下程家至上程家	三十里
鞏石路	由大鞏橋至石冲	五里
賀鳳路	由賀街至三鳳墟	一十五里

賀縣志

卷四 經濟部 交通政策 三十七

賀縣華美商店承印

八步市開闢馬路經建設廳派廖技士測量擬具計劃書路線分幹路河堤路內街支路第一步先將幹路完成幹路起點由公路車站直入西約街沿西約街至油行街口直趨沙街後巷至天和號後門直通大街路面寬度照建廳電示九·五公尺其建築費擬仿照各大城市築路先例由兩旁舖內面積及舖面寬度計算勻攤分派負擔至河堤路由指揮部前起由河邊至沙街大街新寧街至泰昌火油倉碼頭止折入橫巷新寧街八步口幹路路面寬度定爲十公尺又內街支路路面寬度定爲五公尺如前河邊街及菜市前各橫街東橫街等但油行街沙街路面定爲六公尺云

社會政策

籌贈種痘代電

各區公所均覽案奉

省政府世秘代電發擬訂廣西種痘暫行辦法業於二月泰電通飭遵照并佈告各在案近屆春溫各處天花盛行亟應籌備贈種牛痘會議旋經決議贈種辦法紀錄在卷合將籌備會議及贈種牛痘委員會會議紀錄抄發仰該區所即便遵照辦理事關慈善事業務各努力將事爲要再該區如有種痘師技術優良者儘量舉報來府以憑聘用勿延縣長韋禡印

議決贈種牛痘辦法

一經費最低五百元由各界樂捐

二南嶽黃田桂嶺三區每區擔任募捐額定各一百五十元公會區擔任募捐額定一百元限二十日內募足交賀縣各界贈種牛痘委員會支配

三由委會製發捐部四本發各區募捐

四聘用痘師人數暫定十人分派到各區鄉種痘

修理賀街溝渠以重衛生 韋縣長交議

賀城內外街道狹小參差不平一遇天雨水流洋溢陰溝淤塞污穢難堪若新建馬路則商民負擔未免過重茲擬先行修建陰溝既可排洩污水免生蚊蠅且與交通及衛生大有裨益爰於廿二年十二月四日擬具理由辦法提交縣行政會議議決通過茲將籌備會議錄抄列於後

一 成立修築賀街溝渠委員會

二 修築款項由附城各機關學校派捐約一百元加收一次過附城房捐一個月約得一百五十元博愛善堂存下觀音閣公地地價撥爲修理龍泉巷陰溝用費一百元加收商業牌照捐一

次過照原額征收半數如修築至各舖戶民居前後門口陰溝時修費由各家自行負擔之

擬成立賀縣公醫院以利地方

二十二年十二月二十五日
章縣縣長交議

我國醫藥之術自農黃初始以迄和緩昌明但醫無專院診無定所民不稱便洎乎近世西醫并行留醫之院遂漸增設造福人類殊非淺鮮冠英下車伊始感覺此間無公醫院之設立殊爲恨事若夫良醫難覩則病者難瘳藥石不靈空有陶朱之富膏盲待診誰憐季路之貧此公醫院之設立亟亟不容須臾緩他况方今推行自治慈善事亦爲自治中重要建設此舉固應早日圖成而慰地方之望也案經縣行政會議議決通過茲將籌備情形附列於後

- (一) 成立賀縣公醫院籌備委員會
- (二) 公醫院地址暫將水府廟改修備用

賀

縣

志

卷四

經濟部 社會政策

四十二

賀縣華美商店承印

- (三) 賀縣博愛善堂經費撥爲賀縣公醫院經常費
- (四) 公醫院建築費由籌備委員及各鄉鎮長分途募捐每人發捐部一本
- (五) 由附城各機關團體學校游藝募捐
- (六) 由縣政府在相當款項撥充

擬比例抽穀成立縣區鄉倉

民國二十三年三月
韋縣長交議

邦以民爲本民以食爲天糧食爲人民生活之需最爲重要現在社會不均貧富懸殊多數平民因感糧食缺乏受最大之痛苦設一遇飢饉之年恐慌立見茲爲未雨綢繆防預不測計縣區鄉倉實有成立之必要籌設辦法附列於後

- (一) 由各甲村鄉區長由下而上依級將所屬人民每人民得稻穀十擔以上者分別田主自耕農佃農三種計口登記
- (二) 田主每人年收稻穀十擔以上二十擔以下者抽穀百分之五二十擔以上四十擔以下抽百分之八四十擔以上百擔以下抽百分之十五百擔以上抽百分之二十

- (三) 自耕農每人年收稻穀十擔以上三十擔以下抽百分之二三十擔以上五十擔以下抽百分之四五十擔以上百擔以下抽百分之六百擔以上抽百分之八
- (四) 佃農每人年收稻穀二十擔以上五十擔以下抽百分之二五十擔以上百擔以下抽百分之五百擔以上抽百分之七
- (五) 各鄉抽得穀數除提十分之三送區倉外餘存儲鄉倉區倉得各鄉提送穀數除提三分之一於縣倉外餘存儲區倉
- (六) 上項儲穀應於春季以十分之五用聯保辦法及百分之五利率發放於貧民其放出谷數於秋季本息收回之

上項辦法經提交縣行政會議議決通令區鄉村遵照辦理

產業

中國地大物博產生種類不一而足顧物必有用事在人為各操其業各守其職經濟自充裕焉特詳為紀述俾知利源之所在續志

農產及農業

農產

谷之屬黍稷稻粱菽麥種不一而土皆宜惟稻多且嘉大宗輸出不見其歉非遇荒旱三年耕必餘一年之食赤米甲全粵俗曰牛筋黏東省人曰赤谷食有益故值較高其特產如香禾米飯煮熟時氣味清香但少結實故不多種惟南鄉有之藉為送客佳品又黑米大寧鄉有之釀酒最美沽於市有名色舊志

賀

縣

志

卷四

經濟部

農產農業

四十四

賀縣縣志高印

蔬之屬葉菜如芥藍芥菜黃芽白之類根菜如蘿蔔茨菇蓮藕之類果菜如絲瓜王瓜之類香菜如芫荽紫蘇香芹之類日食常備此外白眉豆綠豆黃豆黑豆硃砂豆及香蓼他處蓋鮮香菌出臨賀嶺者佳又一種名草菰以稻草雜諸藥物種之即生與木耳石耳皆附生若苗生之薑及芋蔓生之南瓜冬瓜紅薯幹生之苞米薏米陸生之鷄蕈俗名鷄嘴菌鳩菌俗名班鳩菌水生之菱角馬蹄皆有成舊志

果之屬核果如桃李梅棗之類仁果如梨柑橙檸檬之類殼果如荔枝龍眼之類漿果如葡萄櫻桃之類此外如西瓜黃皮子沙田柚榛俗名椎子栗榴柿香椽白果枇杷皆多有楊梅橄欖餘甘則家園罕植甘蔗花生紅瓜子非果人以果目之甘蔗可製糖花生可製油紅瓜子銷

食三項爲出口大宗至悶陀羅亦似果非果食之顛悶急以冷水噴之乃解故名顛茄

花之屬周茂叔以水陸草木概之桂槿茶杏竹桃蠟梅郁李芙蓉紫荊海棠杜鵑繡毬羊蹄馬纓千葉榴狀元紅月月紅玉蘭皆木本蘭蕙菊萱鳳仙玉簪鷄冠扁竹皆草本陸有葵薔薇玫瑰茉莉胭脂茶藤金絲桃魚子蘭一丈紅水則蓮菱菡萏水澤仙蘭馬蹄水仙花之類名目甚繁形形色色不易徧植愛之者亦近其性而已

舊志

農業

自耕農佔縣屬人口百分之二十

半自耕農佔縣屬人口百分之三十

賀

縣

志

卷四

經濟部

農產農業

四十五

賀縣華美商店承印

佃農佔縣屬人口百分之四十租額三七五遇旱分租主佃各半雇農佔縣屬人口百分之十每月工價至少四元多則五元縣屬水田腴者每糙產谷百斤額租三十七斤半以兩糙計田價約值銀二十五元或三十元不等

旱地山地以六十方丈爲一畝坭質佳者每畝地價約值銀十元播種方法谷種於谷熟時選優良者摘取晒乾藏爲來年種子農具皆用舊式肥料則用石灰草灰猪牛糞草皮於插田耘田時培壅每年兩糙下種春分芒種收穫小暑霜降

亦有耕大糙者謂之大冬於立夏下種芒種插田寒露收穫此皆飽水田若旱田則秋天水潤春分下種大暑收穫

種地用輪栽法一年種地禾或菽麥一年種花生或紅瓜子秋天暨種紅薯山地則於春天種薑芋木番薯冬天種各色豆

農隙時割草斬柴燒石灰或傭工或賣牛作資本買雞出梧州販貨轉縣發賣肩挑生意月可三轉至春分時買回耕牛種田

主業之外一家數口養雞養猪作為副業但未養蠶養蜂以上續志

林產及林業

林產

木之屬楓柳松樹也杉栢椿梓可造屋為樑桐茶子可製油為出口大宗樟可製腦桑可養蠶製絲棕之用毛槁之用皮槐之用花柏之用于及山棗苦棟榆檀之可以成器亦美若烏梅紅梨紫桂黃楠則

惟深山大壑產之不能遍識續志

竹之屬省志云東山大竹節受米一斛小亦數升次則猫兒有冬笋其大

頭皆一二尺圍性堅實與矛竹一名衛竹生健直之利可為矛筋竹之勁不殊筋

皆嘉植而四境皆宜百用俱效惟泥竹相類者極多若水笋最若灰若

苦若淡若筋若角若蒲若桃杜甫桃竹杖即此竹若青若白若黃若紫若方若丹若

班稱名不一亦有用材也又曰莓綠者亦衛之類而小可為箭解籜

即莓莓處花紋如班竹去莓即見人多以作籬入土經久也里松鄉

八洞鄉漚嫩竹製紙視桂嶺之成於稻草者差次然亦生財一端舊志

茶之屬茶之葉製茗不異武彝向來姜七姜八兩都頗收其利冷水

茶出三叉山味美仙人茶出三叉山頂老樹三株高丈餘味清香南

鄉龍水茶尤盛近瑞雲山亦種茶名西山茶品質澤潤氣味清香聲價倍高永慶大寧大小水等處茶皆不及種植用子培護用草灰採葉時以手搓之以鍋炒之每年產量三萬餘斤每斤最多三角或二角昔時製紅茶又名珠茶行銷粵地由粵運洋製葉用麻布袋以足踐之用火焙之每年產量不下十萬斤近因洋庄不銷茶價大跌根不培植茶遂荒棄雖有出產大非昔比續志

藥之屬如苦參黃栢黃連山藥杜仲沙參牛膝雖有而非地車前益母鈎藤薄荷紫蘇吊蘭大黃排草香薷夏枯澤蘭金銀花何首烏天花粉仙人掌可消湯火傷茵艾桂枝之屬皆可用蕨薇百合百部巴豆水三七石菖蒲有九節者肥兒草亦稱良吳茱萸正地道黃精芝蔴桔梗厚朴爲

出口大宗若虫之可入藥者蝻蛇烏蛇蛤蚧能祛風班貓蠅蝦蟇蝙蝠蟾酥蟬退蜈蚣水蛙黑蜂等以毒攻毒製化為良黃蜂釀糖熟而食之有益

藤之屬藤藤最多可紮杉排膠藤青藤可作農具此外不甚適用舊志

草之生於山林者亦屬林產龍鬚草出姑婆山可製蓆稱佳品香草

出南鄉植於山林以之襲衣氣芬郁菸葉人皆種有惟南鄉大寧居多薯良藍即靛利人亦普棉花麻苧葛絡芭蕉皆可爲布紅辣

蓼一名火旺乃毒魚藥近河岸皆有至於斷腸草一名蔓周禮地恩形如野仙蓋即黃精李白詩昔作芙蓉花今爲斷腸草其花似芙蓉也牛食之而肥人

中其毒以羊血灌治或以茯苓研細調香油以大糞調水灌之亦治毒菌朝野僉載云人食治萬死埋土堆上生菌其當腹上者食之立死自額面手足及身旁而外漸遠者死或計日計月計年無能活者案草木狀以蕪菜汁滴變苗即安魏式云先食

此菜能食治萬至一尺此則草類之極劣矣舊志

林業

公有林正待墾植私有林亦未有合作者惟個人所有之林則甚多

凡附近村落隨處種有幾無隙地如大寧南鄉里松之杉每年出口不下二十萬株大平山大小水之竹每年出口不下三十萬根獲益甚大續志

鑛產及鑛業

鑛產

蕉木山銀鑛清雍正七年開採委專員督辦凡鑛砂估值及鑄煉成銀者抽二分入課八分歸商隨數征解無額按蕉木山在大寧南鄉交界之間並接廣東連山界開鑛不考所始舊志

清康熙間惠潮諸州游匪肆行盜採屢經封閉迄不能禁又兼連山排搖竊盜爲助流毒中六里地方兵火頻仍民無寧宇末年鑛徒聶

惟寬聚衆爲亂劫擄桂嶺螺石里松村寨殺人無數甚且謀窺城邑

禍心非小雍正初年始生擒之置於重法匪衆乃散患除後鑛廠旋

閉嘉慶及今則寶源竭矣舊志

尖山與連山界並接楚之江華有銀鑛亦經開採成課緣江華搖寇越境肆虐甚於連之八排搖楚粵游匪乘之盜採偷砂亦經嚴禁不悛寧靖後至今不復開舊志

開山石板冲有鉛鑛嘉慶間商人偷採鄉紳請憲封禁同治八年湖南人又行偷採紳莫經邦等復稟准院司永遠封禁舊志

錫鑛出黃麋坪新塘擦米水梅子岡金坑腹癩頭嶺楓木冲馬山岩苦竹坪大塘馬槽脛凡十一坑新舊增減不常總不出姜七都之半

路地水經注謂之錫方高者架竹籠平者開湖口資水淘砂所謂披沙揀金也每竹籠一架月課錫八斤湖口課錫三斤縣兼督之山之主者卽課長坑丁視砂衰旺爲聚散亦不常舊志

案錫以淘取之砂鑄成其淘棄之土屢積如阜閱百十年淘之復有砂蓋生生不已者非若銀銅之寶源有時竭也故自漢以來坑廠恒不易其方宋時賀州歲輸錫至一萬二千六百有奇明萬歷八年開採十四年知縣利元勳封閉民悅之二十七年復開差員招集湖廣坑丁以數千計米物一時騰貴易聚難散因而爲盜居民屢罹其害三十四年復閉本府推官周伯遜知縣李文瀚督山主填塞其坑嚴禁偷採自清康熙至今時開時閉無常課舊志

金砂出大寧鄉上自草水口賴村下至馬鞍州沿河皆有之取法築石截水用大鐵鏟以丈餘長竹爲柄將河底砂石括起撈去粗石淘沙揀金細則如粉粗則如粟殼里人於暇時淘取足供日食而有餘不成課續志

橘山銅冶唐書地理志今廢又九嶷山宋時銀鑛銅鑛均有今廢又大水坑

梅花嶺等銅鑛清乾隆三十三年試採未成課五十六年知縣周心

傳封閉舊志

新塘鐵鑛乾隆二十六年開採歲課銀二十兩四十八年知縣周心

封閉後復開鑄鐵鑛舊志

造英團屬癩頭嶺馬槽肚等山產錫鑛及土硃續志

煤礦出西灣光緒初年開採掘窿口曲折穿地道架梯下取之今停辦芳林四塘亦開採煤礦因煤質不佳停辦續志

水晶出九嶷山臧石窖中昔人曾鑿石採取亦有得水晶或墨晶者但不易覲續志

石灰石卽青石可燒石灰平崗多有農人資作田料

磁土俗名白膠泥新村坪浩洞及桂嶺均有之可作磁料

青石麻石出芳林八份山青石可作碑柱麻石可作磨及攪研續志

鑛業

鑛業不一以錫爲大宗錫出自水岩壩及半路新村坪居多商人向西灣鑛局領照開辦大都用人力挖砂淘洗近年始有用機器開採

特分別列表如下

鑛業調查表

鑛業	鑛地	鑛區	資本	鑛質	蓄量	何時	每日	每年	銷售	備註
權者	名稱	面積	總量	種類	估計	開採	出量	出量	地點	
普益施	水岩	一百六十畝	十萬	錫	一千三百萬噸	二十二年一月	三百五十噸	十二萬六千噸	自提煉運銷香港	該公司用機器開採每百斤純錫納稅國幣十六元
梁柱南	排嶺	八方丈								
合益公	水岩	三千方丈	五百元	砂錫	一萬九千噸	二十七年三月	四百噸	一千二百噸	永盛公司提煉	該公司用人工鋤挖引水淘洗錫砂
漢劉昌	拱水									
和寶公	水岩	五百方丈	四百元	砂錫	二萬一千噸	二十一年二月	三噸	一千噸	永盛公司提煉	該公司採法同右
瑤左德	車嶺									
朱品麒	水岩	六十方丈	三百元	砂錫	九千噸	二十八年八月	三噸	一千二百噸	水岩嶺收砂所	窪口 用土法開採
蔣琮洲	水岩	三千方丈	五百元	砂錫	一萬四千噸	二十一年二月	四噸	一千二百噸	永盛公司提煉	莊頭 用土法開採
蔣琮洲	水岩	三千方丈	六百元	砂錫	一萬四千噸	二十一年二月	三噸	一千噸	同右	莊頭 用土法開採
民利公	水岩	三千方丈	一千元	砂錫	二十萬噸	十五年六月	八噸	三千六百噸	同右	莊頭 用土法開採
松曾昭	山塘									
名利公	水岩	三百方丈	一千元	砂錫	三萬三千噸	二十一年四月	二十噸	七千二百噸	望高提煉公司	莊頭 用土法開採
清馮中	塘寨									

賀縣志

卷四

經濟部

鑛業調查表

五十一

賀縣華美商店承印

程發司羅祥雲	秋六合司黃憲	福裕司彭貴	英遠司賀秀	榮永司曾德	賀盈司陳壽	朱石英	榮永司曾德	榮榮司周繼	松司曾昭
堂山白北	田曲丰路	山白半路	山大塘	湖堤水岩	塘白渠區	子堤水岩	大槽堤水岩	尾堤水岩	車堤水岩
方丈六百	方丈三千	方丈一千	方丈九百	方丈三千	方丈三百	方丈四萬	方丈一百	方丈二百	方丈六萬
元五百	元三千	元九百	元三百	元一千	元二千	元四百		元三百	元五千
砂錫	砂錫	砂錫	砂錫	砂錫	砂錫	砂錫	砂錫	砂錫	砂錫
噸九千二萬	噸九萬三十	噸九萬六千	噸五萬一千	噸七萬四千	噸七萬四千	噸二萬二千	噸四百四十	噸三千一萬	萬噸四十七百
二月十七	月年十四	月年十五	二月十七	三月二十	月年十四	月年十八	月年二十	二月十四	月年十五
六勛	十勛	勛十三	五勛		勛二十	四勛	五勛	五兩三勛	勛六十
勛八百一千	勛四千	勛四千	勛六百一千		勛二百一千	勛七百	勛八百一千	勛三百一千	勛六萬一千
同右	同右	同右	司煉坪新村		司煉坪新村	同右	同右	同右	提煉公司永盛

賀縣志

卷四

經濟部 鑛業調查表

五十二

賀縣華美商店承印

盛司集 劉益公 明益公	才司富 劉益公 良益公	仕司永 劉合公 海合公	蔣國階	張路先	賀縣志	蔣國楷	周司六 黃合公 達合公	榮司茂 陳利公 金利公	茅司太 張和公 志和公	遜司合 黃利公 敏利公
嶺鷄半 心路	爛半 嶺路	埧盧半 笋路	山塘白 仔石沙	刀坪新 冲磨村	歸坪新 四雁村	鉢冲養 肚播牛	屋山白 脚賀面	水坪新 塘清村	庚坪新 歸羅村	方六 丈百
方三 丈千	方九 丈百	方六 丈百	方六 丈十	方三 丈千	方九 丈十	方九 丈十	方六 丈十	方三 丈千	方六 丈百	元一 百
元一 千	元八 百	元四 百	元二 百	元二 百	元三 百	元四 百	元一 百	元三 百	元一 百	砂錫
砂錫	砂錫	砂錫	砂錫	砂錫	砂錫	砂錫	砂錫	砂錫	砂錫	砂錫
噸四三 萬十	噸七 萬	噸九二 萬千	噸五九 百一 千	噸四四 百二 萬	噸四四 百千	噸九二 百千	噸五九 百一 萬	噸四二 萬十	噸九四 萬千	噸九四 萬千
月年二 十七	月年一 十二	月年二 十二	月年一 二十	月年一 十七	月年一 十二	月年一 二十	月年一 十八	月年一 十七	月年一 十九	月年一 十九
觔二 十	觔十 三	觔六 十	觔四 十	觔三 十	觔四 十	觔四 十	觔三 十	觔四 十	觔四 十	觔四 十
觔七 千	觔餘 三千	觔二 千	觔一 千	觔八 百	觔一 千	觔一 千	觔七 百	觔二 百一 千	觔三 百一 千	觔三 百一 千
同右	同右	同右	同右	同右	同右	同右	同右	同右	同右	同右

賀縣志 卷四 經濟部 鑛業調查表 五十三 賀縣華美商店承印

崇司永和公	先司寶豐公	興司天利公	魁司合益公	雲司萬寶公	賀司芳	芳司寶興公	禎司利益公	榮司新利公	文司尚亦公	禎司國利公
底坪新村	山白面	崗坪新村	寨黃家半路	冲坪蕉新村	坪黃金新村	水仙人半路	堂山學白面	寮老糖半路	冲石灰半路	冲石灰半路
方丈六十	方丈九百	方丈六百	方丈六十	方丈五百	方丈六十	方丈六百	方丈三千	方丈六百	方丈六百	方丈六百
元一百	元四百	元四百	元八百	元三百	元二百	元二百	元二千	元二百	元三百	元三百
砂錫	砂錫	砂錫	砂錫	砂錫	砂錫	砂錫	砂錫	砂錫	砂錫	砂錫
噸九萬	噸二萬	噸七萬	噸八萬	噸二萬	噸九萬	噸一萬	噸九萬	噸二萬	噸六萬	噸六萬
月年三十	月年十八	二月年十五	二月年二十	月年十五	月年十七	二月年廿一	月年十四	月年廿二	二月年二十	二月年二十
二勛	十勛	三勛	四勛	六勛	七勛	五勛	十勛	七勛	八勛	八勛
勛六百	勛三千	勛一千	勛三百	勛二千	勛二千	勛七百	勛三千	勛二千	勛二千	勛二千
同右	同右	同右	同右	同右	同右	同右	同右	同右	同右	同右
										司煉坪新村

賀縣志

卷四

經濟部

鑛業調查表

五十四

賀縣華美商店承印

			魁 義益公 司黃啟	英 合利公 司賀肇	賀 縣 志	賀 耀貞	廷 瑞利公 司賀顯	英 天生公 司賀金	金 萬和公 司李水	雲 司周學	寶盛公
			新 村 坪 嶺 岩	白 面 山 高 重 面		白 面 山 賀 家 山	白 面 山 石 北 背	白 面 山 老 寨 坪	新 村 坪 車 底	新 村 坪 何 家 山	新 村
		以上 續志	三 百 方 丈	三 百 方 丈		三 百 方 丈	一 千 五 百 方 丈	九 十 方 丈	六 十 方 丈	五 百 方 丈	一 千 五 百 方 丈
			三 百 元	一 百 元		一 百 元	四 百 元	一 百 元	一 百 元	五 百 元	五 百 元
			砂 錫	砂 錫		砂 錫	砂 錫	砂 錫	砂 錫	砂 錫	砂 錫
			八 萬 八 千 噸	一 萬 四 千 五 百 噸		二 萬 四 千 噸	七 十 三 萬 五 千 噸	五 千 八 百 噸	二 千 九 百 噸	四 十 九 萬 噸	四 十 九 萬 噸
			十 七 年 十 一 月	十 八 年 十 一 月		十 八 年 九 月	十 七 年 一 月	二十 年 四 月	十 九 年 十 二 月	十 四 年 一 月	十 四 年 一 月
			五 勛	四 勛		四 勛	八 勛	三 勛	三 勛	七 勛	七 勛
			一 千 四 百 勛	一 千 勛		一 千 勛	一 千 七 百 勛	七 百 勛	九 百 勛	一 千 七 百 勛	一 千 七 百 勛
			同 右	同 右		同 右	同 右	同 右	同 右	新 村 坪 提 煉 公 司	新 村 坪 提 煉 公 司
						莊 頭	莊 頭	莊 頭	窪 口	莊 頭	莊 頭

卷四

經濟部

鑛業調查表

五十五

賀縣華美商店承印

水產及漁業

水產

鱗之屬生於江者鮡魚竹魚鯉魚鮠魚鰻魚均有之其蓄於池者草魚鯪魚鯽魚居多其他鱸魚塘角魚鱖拐魚泥鰍魚黃鱔皆無鱗而味美惟狗魚產於桂嶺里松邊境不易數觀

介之屬龜蚌蟹蝦蜆蛤均有而鼈不如江螺不如池以其所產之地而各異其特產者山瑞穿山甲亦不恒有

舊志

漁業

賀屬業漁不滿三十戶養鷓鷯捕魚爲業以竹排載鷓鷯沿江捕魚夜間以大鐵瓢置松柴燒之火光映水驚動遊魚隨放鷓鷯捕之竹

排三十餘張秋冬獲魚較多隨地銷售年可獲四萬斤亦有桂嶺人用攔江網捕魚者先於下流設網後在上流將雞毛紮成如鷓鷯形百餘串用繩分百十度細住牽過對岸二人扯網二人扯繩圍住江心四人疾趨合攏魚入網中抽起取之每網不過數斤小魚其他築山塘養魚以南蛇塘最寬廣計上下左右有山塘十餘張如無洪水爲患年可獲魚二萬餘斤此外鄉村池塘各處皆有但屬少數魚之價值約二三角不等

續志

畜牧

獸之屬牛馬豕羊恒畜於家並無特闢畜牧場所故孳殖無多生豕生牛有時出境馬羊本境銷售爲數亦少其生於山者如虎豹豺狼

熊猴狐兔鹿麀麋狸山馬山羊野猪箭猪山狗竹鼠等類每為獵者
弋獲惟菓子狸猫狸味最美續志

禽之屬雞鵝鴨鵠皆農家所養孳生有限近年販雞出梧發售者多
故雞價值昂每斤值三四角不等燕雀處堂巢居卵育樑間簷端棲
鳴得所鴻雁春秋往來天空此鳥之最大者依山有錦雞即舞鏡山雞
又名山鳳凰竹

雞雉雞天鵝麻雞鷓鴣鵲鵠鵪鶉班鳩山鵲鷓鴣鷓鴣依水有鳧鷖

翡翠鷓鷖水鴨水鷓水鷓信天翁長喙長脰常立沙灘俟魚
上下取食之不逐逐也依林有白鷓白

鶴黃鸚黃鸚畫眉百舌烏鴉喜鵲鳴鳩即八哥剪
其舌能言布穀催織提壺青絲子

白頭翁而化生之鸚鵡則飛集恒不亂其群田螺絲生高原聚化為鳥遺殼恒百數成堆故
俗名螺絲鳥秋熟時羣集禾稿喙穀粒惟同化

者同飛止
以氣聚也若梟之取食鳥子且噬其母實與慈鳥相反何弗多生鳥而絕

梟種耶舊志

工業

手工業

冶工石工多湖南人本境甚少陶工木工水工隨地皆有縫工改爲
車衣市肆遍設惟織布則屬於家庭居多近日粗紙不銷里松程家
永慶等處紙廠四十餘間能繼續開設者不及半數造紙工人改圖
別業榨油工作開建人爲多榨糖釀酒均用地方人續志

機器工業

機器印刷城內華美號開設最早購買印刷機及字粒印刷精良今
承印賀縣志六百部正開始工作又民衆教育館開辦民衆日報去

年集地方欸購買印刷機及字粒印刷玲瓏閱報者幾遍全屬大有益於社會

商業

當地貿易概況

入口貨物以鹽鐵火柴水油洋紗土紗最大宗各色布疋次之出口貨物以生油茶油桐油豆餅穀米紅瓜子爲大宗牛皮牛骨生豬生牛香粉鍬板鐵鑊次之當地貿易最流通火柴水油洋紗暢銷由八步轉售鍾山富川及湖南道州各縣居大多數

商場分佈狀況

城市方面商店集中河東街北通蓮塘墟距縣城二十里永慶墟距

縣城十五里東達三鳳墟距縣城十五里水路通大寧墟距縣城九十里螺石墟距縣城一百里南鄉墟桂嶺墟距縣城一百六十里開山墟距縣城二百一十里南達大步頭程家距縣城四十五里鄉村稠密商業暢達此外八步街距縣城四十五里爲各墟市之中心點南通鵝塘墟十五里北通黃田墟距八步五里新村坪距八步二十里半路墟距八步三十五里里松墟距八步五十里西通芳林五里道石墟距八步十五里沙田墟距八步三十里公會墟距八步七十五里大平山墟距八步一百五十里八步商場四通八達較爲繁盛計全屬街墟市共二十一處

商業種類

賀街商業

雜貨水面店二十七間資本總額一萬三千四百元營業總數一十八萬三千元

藥材店六間資本總額二千一百元營業總數一萬八千二百元

花紗店一間資本總額一千元營業總數三千五百元

首飾店二間資本總額二百元營業總數一千元

洋雜店十間資本總額二千三百元營業總數三萬一千元

蘇杭店七間資本總額五千七百元營業總數二萬二千元

屠行店四間資本總額一千六百元營業總數二萬元未設店者不

列

土布店一間資本總額二百元營業總數一千二百元

故衣店二間資本總額六百元營業總數三千元

油榨店三間資本總額八千二百元營業總數四萬四千元

書局一間資本總額一千元營業總數五千五百元

機器印刷店一間資本總額四百元營業總數八千五百元

典押二間資本總額四萬一千元營業總數一十六萬三千元

八步商業

雜貨水面店三十二間資本總額一萬六千八百元營業總數二十八萬元

花紗雜貨店四間資本總額一萬一千元營業總數一十一萬三千

元

洋雜店四間資本總額一千五百元營業總數三萬五千二百元

蘇杭洋雜店六間資本總額一萬九千元營業總數一十一萬九千元
元

蘇杭雜貨店三間資本總額九千元營業總數七萬四千元

布疋紙料雜貨店一間資本總額一千二百元營業總數一萬三千元

火柴洋鐵店一間資本總額三千元營業總數二萬元

農產品棉紗店九間資本總額九千四百元營業總數七萬四千四百元

藥材店五間資本總額二千八百元營業總數二萬一千五百元

餅食雜貨店二間資本總額三百五十元營業總數一萬元

酒樓二間資本總額二百元營業總數二千六百元

化學工業品店三間資本總額一千元營業總數一萬七千元

首飾店二間資本總額二百元營業總數一千二百元

自製電芯店一間資本總額一百元營業總數一萬元

藤竹織業店二間資本總額二百元營業總數一千五百元

生熟烟店二間資本總額一千七百元營業總數一萬八千元

牛皮山貨店三間資本總額四千二百元營業總數三萬六千五百元

元

特種商店一間資本總額一百元營業總數二千元

紡織工業店一間資本總額三千元營業總數二萬二千元

經紀店二間資本總額七百元營業總數四千四百元

修鐘表店一間資本總額一百元營業總數五百元

原當故衣店一間資本總額二千元營業總數一萬元

故衣洋雜店三間資本總額三千一百元營業總數四萬元

故衣蘇杭店二間資本總額一萬零五百元營業總數四萬一千五

百元

車衣鞋業店一間資本總額四百元營業總數二千元

磁器店四間資本總額一千四百元營業總數一萬六千元

書籍文具店二間資本總額三百元營業總數四千元

典押二間資本總額四萬五千一百元營業總數一十五萬元

按調查八步商業在民國二十二年秋七月未遭回祿時也自
被災後商業大減色矣

以上續志

官營事業

寶藏於地不易露其精華地不愛寶原待用於世界是必歸諸國有先加探測計算工程及採取方法籌畫資本羅致人才妥善組織事乃有濟成規具在有足紀焉

續志

鑛業

西灣煤鑛局始於清光緒初商人開採運銷粵東官局宣統間改官辦任張繼龍總理以篷搭爲局就地收煤兼收錫砂錫塊廼建工程局購德國機器開井車水採煤虧折停辦耗機器價值數萬金廼專收錫商人領照淘洗鼓鑄由局給費用器具錫歸局運禁私售宣統末年賀縣城破停辦民國初楊道成李春暉何治方相繼任事踵而

賀

縣

志

卷四

經濟部

官營鑛業

六十一

賀縣新商承印

行之間以人工採煤築方城於香爐嶺上於山半峙洋樓山下建兵房十餘間山腹工程局汽機房屯煤場皆工人住所山腰築路縈繞如帶蜿蜒數里直達西灣河岸駕鐵軌運煤至西灣下游大樟樹旁煤場屯積又在方城闢地爲園有亭名小憩治方建以息遊人旁植花木芳雅娛目規模宏矣民國九年時局紛擾復停辦至今煤鑛未開復

續志

富賀鍾錫鑛局昔由煤鑛局兼辦經時局紛擾停頓數年至民國十四年王應榆奉委清鄉總辦嗣委爲富賀鍾鑛務整理處處長准由商人領照開辦錫歸局運力崇節儉不費資本卓著成效旋調粵去後錫鑛局改委員制今改廣西建設廳駐富賀鍾辦事處錫極旺

續志

耕地及未耕地

賀屬賦額征銀三萬四千九百四十餘元以租穀一百六十三斤爲一畝每畝應徵銀一角六分三厘就賦額推算田主值三七五得二十一萬四千餘畝加入佃丁值六二五得三十五萬七千餘畝合計已耕之田共五十七萬餘畝又賀屬地丁歸納於錢糧約計已耕之地不下二十餘萬畝就已耕之田地合併計算實有七十七萬餘畝賀邑面積一萬四千三百方里計三萬二千四百方丈爲一方里以六十方丈爲一畝推算合五百四十畝爲一方里以全屬面積計應得七百七十二萬畝化作十分約畧估計城池廬墓石山川澤佔六分未耕荒嶺佔三分已耕地佔一分所謂六水三山一分田除去

已耕地佔一分得七十七萬餘畝又除去城池廬墓石山川澤佔六分得四百六十三萬餘畝其他未耕之荒嶺佔三分得二百三十一萬餘畝近年農民從事植樹凡村居附近二十里之荒山均已開墾造成林業所餘叢山峻嶺寂無人居之境以及長途道路行人往來之旁不時被火焚燒強盜搶劫因此視爲畏途無有向其地造林者故未耕地尙佔百分之三十三云

農工商學軍政各業經濟生活狀況

農分四種自耕農半自耕農佃農雇農惟自耕農自耕自田生活充裕是爲上等至半自耕農自田不敷自耕有半數爲批耕他人之田其生活僅可支持是爲中等若佃農則甚艱窘除納田主租穀三七五外所得六二五不敷食用每年尙欠四個月米糧借貸典押均需納息一年不足年年如是是爲下等其他雇農由主人供給飯食每日得工資二角但習慣懶性或作或輟是爲惰農續志

工分長工短工凡農商界雇工人大都長工居多每年工資至少四五十元短工除飯食亦有二角其他充當鑛丁所得工資亦厚但大食大賭之工人仍屬不剩一錢觀於鑛場之熱鬧可知概況續志

賀

縣

志

卷四

經濟部

生活狀況

六十四

賀縣郵美商承印

商業素稱繁盛經濟流通生計自覺裕如近年因滬上商場一落千丈波及粵省賀邑出口貨物向銷粵地入口貨物亦由粵來致受影響週轉不靈或至歇業亦所時有狡黠者多挾欸潛逃忠厚者仍聽債權人處理其餘大小資本家照舊開設以待機會續志

學校屬縣立者校欸充裕校員儉樸者多薪水從優生活自無不足若鄉間學校欸項支絀校員半義務職生活受困在所不免續志

軍界職業萬分辛苦薪水分等級均合度若遇調動則日用所需不少生活遂形不足上級猶可惟下級最苦續志

政界職業分工合作薪水分等級均適中如崇節儉自能維持生活

以上續志

交通

山川阻隔舟車不便魚雁不通則交通之道不可不講也是宜考察其通達之途徑以期其迅捷庶幾文緘投遞行人往來稱利便焉續志

城市水陸交通概况

賀邑城市以賀街八步商業為最繁盛水路有二其一曰臨江上通鍾山富川一曰賀江由桂嶺大寧至賀街下游與臨江合流下達信都出開建封川江口陸路由賀街至八步通汽車係砂泥路寬二丈四尺長三十三英里由賀城至信都屬鄉村道路寬八尺下達梧州交通便利

道路 陸路附塘汎水路附灘渡

路有水陸通舟車也臨賀自建國置郡改州所屬四達今轍迹所通當卽古道也自併桂嶺封陽蕩山為臨賀治界連七邑稱岩疆天順以還連山江華猺獞不時竊發侵擾吾圉征調殆無虛日至清康熙間寇氛未靖猶事撲滅嗣沿邊立汎遇隘設卡諸路交通邇來地方靜謐民居安堵凡達於鄰封者尙存汎惟官路則塘與舖由舊焉

陸路有底塘塘俱有急遞舖出東門上關北路尙義橋迎恩橋五里

橋五里石牌塘茶庵十五里獅子塘獅子橋二十里芳林塘芳林渡舊有惠義橋明萬歷間潦漲橋沒遂設渡四十里

謝嶺塘五十里富川界

出南門照壁橋王仙橋繫雲橋南木洞二十里水竹塘二十里梅花塘四十里青草

塘六十里山心塘八十里樂善堂泥橋赤尾橋百零五里黃公橋又二十里雙橋塘蒼梧界

自山心至雙橋西招賢里東十八都二十陸路有設汎無急遞舖者無官文書往來當是郡皆蕩山縣地其城址當在蒼梧東安司

郡治時屬縣官路今得備載

自東門東路浮橋曰東橋曰大橋曰溪橋舊有屢廢明嘉靖間以鄉官董雲山絕戶入官並詳准為修橋縣試支費又由上

水東出花橋今廢東北五十里黃洞口七十大寧墟龍水汎官會駐此再四十桂嶺汎五里大會墟又名桂嶺

城十五里相思汎十五蓮花汎又自大會墟北路三十壕界汎十里壕界塘江華界

自大牆關東路十里三邛汎六十都江汎六十杉木汎界懷集又自都江二十

停歇汎二十中樓汎二十龍水汎汎弁移駐大凝二十里初洞汎連山界自大牆關北路

梵王寺今廢宋岳武穆征曹成屯兵於此舊有敵樓樓下有戰柵當是築牆關時建曹成破賀州俱焚燬十里大輦橋八十里松汎七十過大甕山出

江華又自里松汎東北路溫泉廟有大湯池過毡帽界四十至桂嶺

自石牌塘西路六十沙田汎汎弁今裁舊有沙田司今廢又四十昭平界又沙田五十里過公會汎公會下大平山利水八十里大平山下大水小水七十

大平山至沙頭八十里沙頭至信都五十里沙頭至梧州一百八十里按大平山公會上通平郡下達梧州張撫憲聯往修築大路並建有行臺以便官員住宿 自樂善堂南路二十經委徑

永福寺有急遞舖以通信都司又三十石塔塘在司前又四十開建界

水路大橋關逆流公洞渡箭灘俗誤為龍門西岸有龍門廟松栢渡下島渡車田寨車埠增減不常

水利亦薄點燈渡林洞渡東岸亦有車田數處龍過水有石橫江故名界富川共計五十五里

自大橋關順流下關渡白石洗馬灘犀牛關有靈光塔舊在白石灘洲明知縣歐陽暉移建於此旁有寺廢清乾隆間風裂塔頂邑令重修

今已毀相傳咸豐八年陳金剛攻城四次不得入後將犀牛塔攻崩城始破 大車灘舊架水車三十餘處灌田明萬歷間潦漲冲崩車埠至今以田種甘蔗較利故不復製車 龍迴渡七分灘

鷄灘鹽灘石龍渡峽山滄西岸有峽山寺大界灘都蓬灘合面獅子兩岸山形如獅相對故名雲

騰渡龍門灘江中兩巨石對峙如門水勢湍急遊魚至此爭躍登者化龍見一統志龍門夜月八景之一石牛汎有渡官潭墟有渡舖門汎龍

彭渡五顯渡洞口渡有稅課所西岸有古天后廟白鶴洲下此開建界共計一百六十里

自大橋關至賀江口亦名桂江逆流野鴨渡即江平渡楊梅渡白沙渡大坪渡文顯

壩

水渠行東岸灌田至野鴨村

東球渡

二壩

水渠亦行東岸灌田至福壽寺

大壩

水渠行西岸灌田至廣

大壩峽島鬱灘黃公灘

梅灘三門灘黃洞汎攔門灘大內灘螺石潭

近西岸水深尋餘有石如盤盛巨石如螺當一鄉水口故名

龍馬灘

西曰龍頭東曰馬面形頗似灘險舟行常阻明萬歷間邑民嚴永世費金百五十命匠鑿灘石五處灘始通

大凝墟

由賀江口至此百二十里 賴村汎更鼓灘

應左有更鼓觀

白泡村

江中水石相激如泡故以名村

臥龍井

在江邊規圓二十餘尺其深莫測江中石砥注水分流東入於井腹雖春潦漲沙石奔壅終不入井旱禱必以生鵝繫舟鼓噪井中輒雨相傳龍蟄井下曾與

鵝戲又名鵝龍井有鵝江渡上建鵝江廟

印石

江中一洲有石高七八尺寬二丈許潦漲不沒呼為浮水印舊建文昌閣於上今移回東嶺

水口渡舟行至此不能復泛

大凝至此四十里

以上舊志

四境交通大道

縣屬省道由縣城北上八步四十里至西灣十五里界鍾山縣通汽車又由縣城南下水竹塘十五里至梅花塘十五里至青草塘十五里至山心塘十五里界信都縣通輿馬

縣道由縣城東行至三鳳墟十五里至黃洞口三十里至大寧墟五十五里至桂嶺墟四十五里由桂嶺至蓮花五十里界廣東連山縣又由桂嶺至開山五十里界湖南江華縣通輿馬惟山路崎嶇橋樑崩壞時必須涉水而過

縣道由縣城北行至蓮塘墟二十三里通汽車至新村坪三十里至半路墟十五里至里松墟二十里通輿馬由里松至大甕山後七十

里界湖南江華縣山僻不通輿馬

縣道由縣城西行至鵝塘墟四十里至沙田墟三十里至公會墟五十里界昭平縣通汽車又由公會南下至大平山墟七十里至大小水五十里界蒼梧縣通輿馬

鄉村往來大道

舊制縣之下有團今廢團改鄉依訓政縣分八區以區統鄉以鄉統街鎮村計二百零一所其中往來大道里數可分別詳載於下

第一區二街三十二村

城東城西分二街九村以城爲中心由城北至蓮塘墟二十五里由城北至永慶墟二十里由城東行至西岸鄉三鳳墟十五里由城至

東岸鄉十里有渡由城至五甲鄉十五里有渡由城南行至水竹鄉十五里通輿馬

東岸鄉分四村以雍陸村爲中心北至西岸鄉五里有渡南至五甲鄉五里有渡西至縣城十里道路平坦通輿馬東至程家七十里山路崎嶇

西岸鄉分四村由大平村北至永慶墟七里南至東岸鄉五里西至縣城十里東至大寧鄉八十里通輿馬

五甲鄉分五村以龍馬村爲中心北至東岸鄉十里南至青草鄉四十里西至縣城十里通輿馬東至上程家六十里路險阻上程家鄉距縣城七十里東界南鄉五十里南界懷集屬銅鐘堡五十里西界

下程家二十里北界東岸鄉六十里山路崎嶇以大田巢爲險要下程家鄉距縣城九十里東界上程家二十里西界青草鄉四十五里南界懷集屬牛欄界及信都屬北蔓冲道路崎嶇以牛欄界爲險要

水竹鄉分四村以南木村爲中心北至鵝塘鄉四十里東至縣城及五甲鄉各十五里南至梅花鄉十五里路平坦通輿馬

梅花鄉分四村距縣城四十里南界信都屬山心五里西界峯山二十里東界青草五里北界水竹十五里道路平坦通輿馬

青草鄉分三村以大步頭爲中心居縣城之南相距四十里上至白牛掃十里與五甲團毘連下至大塘嶺脊二十五里與信都分界西

至梅花五里東至下程家四十五里通輿馬

第二區四鎮三十四村

八步鎮分二村居縣屬上游離城四十五里北至西灣街十五里鍾山縣界又北至黃田墟十里東至蓮塘墟十五里西至芳林五里南至鵝塘墟十里有渡西南至栗木五里通輿馬

栗木鄉共一村距縣城西四十五里與芳林八步毗連離鵝塘墟十里通輿馬

鵝塘鄉分八村距縣西四十里北至八步十里有渡南至傘涼嶺三十里東至蓮塘墟二十里西至道石墟十里至馬鼻十五里通輿馬
芳林鄉分四村距縣城五十里北至西灣十五里東至八步街五里

有渡栗木五里南至鵝塘墟十里西至道石墟十里通輿馬

長山鄉分三村距縣北六十里北至新村坪十里南至黃田墟五里西北至里寧五里北至東水五里通輿馬

黃田鎮距縣城北五十五里週圍面積約五里東南與安石鄉之新寨竹山脚木崗嶼白家寨城脚塘爲界約三里西與擔石鄉土城脚祥嘉園爲界約四里北與長山頭白門樓爲界約三里至里寧約五里通輿馬

造英鄉分三村距縣城北六十里所屬五拱橋爲往來湘粵衝途又爲賀鍾兩縣交界總口岸邊境多山僻東至擔石五里西至西灣街五里南至芳林五里通輿馬

里寧鄉分三村距縣城北五十五里與黃田長山安石擔石毗連北至新村坪十里通輿馬

安石鄉共一村距縣城北五十五里與黃田長山擔石八步毗連北至新村坪十里通輿馬

擔石鄉分二村距縣城北五十里與黃田里寧八步芳林造英毘連各五里通輿馬

東水鄉共一村距縣城北六十五里與長山鄉比連屬邊境通輿馬新村坪鄉分二村距縣城北六十里北至半路鄉十五里南至蓮塘墟三十五里西至黃田墟二十里通輿馬

半路鄉共一村距縣城北七十五里北至里松墟十五里南至新村

坪十五里通輿馬

里松鄉分四村距縣城北九十里東至杉木髻金竹水五十里與桂嶺螺石交界西至石門山爲界過此卽姑婆山與鍾山所屬望高栗頭源交界北至大甕山爲界山背爲湘邊江華縣屬大原冲交界南以回面山頂爲界與半路團比連東北隅至脚踏爲界六十里與開山比連西北隅至馬鞍山爲界與湖南江華屬上五堡比連西南隅依江華水爲界與鍾山屬大廟山比連東南隅依九嶷山爲界與半路之九嶷肚永慶之桂子坪比連村落居深窩中四面皆依山脊天然界限形勢險峻

長山鄉分二村距縣城北六十五里南至黃田墟二里西北至里寧

東水六里通輿馬

第三區二鎮二十一村

桂嶺鎮分十七村居縣城東北隅距城一百六十里東至蓮花與廣東連山屬上草爲界五十里南至大塘營與大寧鄉賴村交界二十里西南隅與螺石鄉交界二十里西至官山與里松鄉交界四十里北至平山肚與開山鄉交界二十里東北隅與湖南江華屬大錫馬頭舖交界四十里通輿馬

開山鎮分四村距縣城二百一十里北至壕界塘與湖南江華縣境爲界南至桂嶺平山肚二十五里山險要通輿馬

第四區二鎮二十二村

蓮塘鎮分十六村距縣城北二十五里西至八步黃田二十里通汽車北至新村二十五里西至鵝塘墟二十五里路平坦通輿馬
永慶鎮分六村距縣城東北二十里南至石冲達縣城十里東南至大龜冲達三鳳墟七里東至東嶺野狸塘磨刀冲達黃洞口二十五里北至九嶷山脚分水均由蓮塘村老山冲馬鞍塘達螺石九十里西北至平安凹過白花后園十里南至佛子岡達蓮塘墟二十里以九嶷山老山冲爲險要內地可通輿馬

第五區三鎮二十七村

道石鎮分八村距縣城北五十五里西與鍾山縣屬木冲比連十里有分水嶺險要東界芳林五里南界馬鼻五里西南界沙田十五里

北界擔石五里路平坦通汽車

馬鼻鄉共一村距縣城西五十五里東界鵝塘墟十里北界道石五里西界沙田四十五里通輿馬

沙田鎮馬峯鎮共分十三村距縣城西七十里舊分五路北至道石墟十五里東界搖山西與鍾山縣屬董家洞隔界南至魯班冲白廟與公會鄉交界中路居沙田墟道路平坦通汽車

六戶鄉分二村距縣城西八十里與公會及鍾山縣屬董家洞隔界通輿馬惟山川險阻道路狹隘行旅時有戒心

第六區一鎮二十四村

公會鎮分二十四村距縣城西一百二十里地與昭平接壤以河分

界西岸昭平東岸公會河流上起東坪下經新村曲折趨下石橋洞爲兩縣屬境分界東北與六戶鄉分界東南以魯班冲白廟爲界通汽車

第七區一鎮十四村

大平山鎮共一村距縣城西一百九十里上至鑼鼓均四十里與公會境毗連下至牛尾界二十里與蒼梧縣屬沙頭朱糠坪交界餘皆搖山險阻

安泰鄉共一村瑞昌鄉分三村兩鄉接近距縣城西一百六十里西界昭平樟木林東界仁里鄉南界利水北界鑼鼓均由社山鞏橋頭上公會墟四十里下大平山墟三十五里過樟木林二十五里路平

坦通輿馬以羅鼓均爲險要

仁里鄉分四村距縣城西一百六十里上至羅鼓均五里下至大平山三十里與安泰瑞昌兩鄉毗連四面層山險峻

利水鄉分二村距縣城西一百七十里上至安泰鄉十里下至大平山二十里四面峯山形勢險峻

大水鄉分二村距縣城西二百三十里上至大平山四十里下至小水十里四面峯山形勢險峻

小水鄉分二村距縣城西二百四十里上至水口與大水鄉毗連下至龍村與蒼梧縣屬栗木根昆連三面峯山形勢險峻

第八區三鎮十二村

南鄉鎮分四村距縣城東一百六十里東北界天堂累馬草凹梅洞凹與廣東福塘鄰界南界大田凹與程家鄉湖羅比連金鷄頂與懷集境銅鐘古城鄰界西界大嶺凹與大寧鄉比連又白鶴界那橋界與都江及六姓山比連道路崎嶇以金鷄頂大嶺凹爲險要

大寧鎮分三村距縣城東一百里東至牛角灣竹鷄口馬鞍山與連山縣屬永和梅洞鄰界四十里南至大嶺界與南鄉比連至南鄉墟七十里西至狗牙山梅冲螺石口與螺石比連至螺石墟二十五里北至賴村上大塘營及下龍村與桂嶺比連至桂嶺墟三十里路平坦通輿馬

螺石鎮分五村距縣城東一百里中有墟由墟至涼傘凹二十里又

五里至大寧墟南至小黃洞五十里又四十里至永慶墟北至能坪二十里又十五里至桂嶺墟西至大岩阨六十里道路崎嶇

水路

縣屬有二江一臨江一賀江通舟楫臨江源出富川上游經鍾山過西灣八步至賀城下游五里許與賀江合流達信都入廣東之開建達封川江口與梧州大河合流入粵夏季非遇潦漲以灘面水測之深可五六尺冬季深僅二三尺臨江沿岸有西灣八步賀街市場商業稱盛賀江沿岸有桂嶺大寧三鳳墟商場貨物流通臨江航行帆船有百餘艘春夏可載重量四五萬斤最小者二三萬斤秋冬減半賀江係小船春夏載四五千斤秋冬載三千餘斤竹木筏不運貨物

賀

縣

志

卷四

經濟部

交通

水道

七十五

賀縣華美商店承印

富賀鍾公路局

民國十四年賀富鍾三縣創修公路通汽車幹路起八步公醫院前沿河至三嘉寨老糖寮前渡河抵芳林蝦塘廟左趨牛糞村過馬嶺界由道石墟西走馬峯龍井沙田經松木村入魯班冲烏珠冲至公會墟惟自公會至大平山達梧州路未成支路起公醫院前由擔石西穿松林上西灣過官鑛局前經雞婆塘五輦水上望高一達鍾山一達富川

續志

商辦股份賀步汽車路

民國十五年商民集股創辦賀步汽車路自賀至步爲幹路自八步至黃田爲支路屬營業性質路綫自河東上街天后宮起經大輦橋

蓮塘墟北至八步路廣二丈四尺長三十三英里續志

郵政局

清光緒間設置無專所假河東街市舖爲局總一邑郵傳省派員理其事鄉間墟市分領其任東通大寧桂嶺北達八步黃田西通沙田公會下達梧州開建都城文緘往來無虛日民稱便續志

電報局

縣處偏隅公牘私緘恃走足故聞事遲清光緒間設電報立局八步埠通線由富川恭城上達平樂桂林下通梧州有急報須臾至續志

軍用電話

民國十四年縣屬用兵增設電話由賀城八步上達西灣望高鍾山

賀

縣

志

卷四

經濟部交通汽車郵電七十六

賀縣華美商店承印

富川中達大寧桂嶺開山下達大步頭信都千百里間如相對語視電報尤捷續志

區鄉村電話

民國二十二年縣設電話總機通南嶽區黃田區桂嶺區公會區由區通各鄉村有電話機接綫合邑數百里瞬息可達今歸縣政府建設科電訊課管理電訊員二電話生二巡綫伙七接綫總機一所管電話機四十三總機號碼十不收裝置費惟月費收小洋五元續志

正誤表

頁數	行數	數	正	誤
七	五	植	植	值
十四	十三	縱	縱	縫
四十二	六	也	也	他
四十九	十八	周心傳	周心傳	漏傳字
五十二	十欄	白面山	白面山	白北山
五十六	十二	鷓	鷓	驢
七十一	十九	峻	峻	竣
七十四	三	峻	峻	竣

賀縣志

卷四

賀縣華美商唐承印